

Lungzswng: Vunzlai Mbanjdung Mbouj Okdou Couh Ndaej Couhnieb Laisou

Ndwen 11 ngoenz 15, youq Lungzswng Gak Cuz Swciyen Lungzbingz Cin Lungzbingz Cunh, vunzlai Dungcuz dangdieg cingq guh doxgaiq fwngzguh. Geij bi neix daeuj, Lungzbingz Cunh ndaej daengz bouxdaiqdaeuz baenz miz dangdieg doigawj, caeuq aen giyez Gvangjdungh doxgap guh “dinghdan”, aen cangj daj Gvangjdungh fak gij liuh guh doxgaiq fwngzguh daeuj aen cunh neix, hawj vunzlai dangdieg guh gyagoeng, caemhcai q dinghgeiz soucawx doxgaiq guhbaenz haenx, moix ranz moix ndwen ndaej 1000 lai maenz souhaeuj, seizneix daengx cunh miz 50 lai ranz gyahaeuj daengz aen doih guh doxgaiq fwngzguh, hawj vunzlai mbouj okdou hix ndaej miz souhaeuj, bangrengz vunzlai dangdieg vut gungz baenz miz.

(*Banh Cisiengz Yangz Yenmeiz/ 潘志祥 杨艳梅*)

► Vunzlai dangdieg cingq guh doxgaiq fwngzguh.



▲ Vunzlai Yauzcuz foux lungzfiengz gvaq ciet.

Hingh' anh Yen Vazgyangh Yauzcuz Yangh Banh Ciet Buenzvuengz Bi 2019

Ndwen 11 ngoenz 12, Hingh' anh Yen Vazgyangh Yauzcuz Yangh banh ciet Buenzvuengz gaiq daihhaj nem aen hozdung “haenqguh seizdaih moq langhbaij yienghsiengq moq” seizdaih moq vwnzmingz saedguh, aen yangh neix gak cuz vunzlai caeuq bouxhek ca mbouj geijlai song cien vunz camgya hozdung.

Mwh hozdung, gonqlaeng banh caeqbaij Buenzvuengz, Buenzvuengz cunzyouz (gak mbanj coux Buenzvuengz), biujyienj gofoux, gwn ngaizndoengj Mbanjyauz, siujsoq minzcuz conzdungj diyzuz doxdax daengi hozdung.

Doenggvaq banh ciet Buenzvuengz, langhbaij le gij goekdae lizsij vwnzva Yauzcuz naekna aen yangh neix, de mboujdan doiq gyagiengz swnjcienz siujsoq minzcuz conzdungj vwnzva miz coicaenh cozyung gaenxmaenx, doengzseiz hix doiq gyagiengz dangdieg haiguh aen hozdung cauhaeb minzcuz doxgiet cinbu miz cozyung ndei.

(*Cau Yungzgoz Liuz Cujhingh/ 赵荣国 刘祖兴*)

Aen Daizheiq Beksingq Mungzsanh Yen Moix Aen Singhgiz Yienjheiq Ndeiyawj

Ndwen 11 ngoenz 10 banhaemh, aen hozdung moix aen singhgiz youq aen daizheiq beksingq yienjheiq youz Mungzsanh Yenveij Senhconzbu, Yen Vwnzva Gvangjden Dijyz Caeuq Lijyouzgiz cawjbanh, Yen Vwnzva' gvanj ciepbanh haenx youq aen dieggoek daejniemh minzcuz minzsuz vwnzva baihnaj cangzsou-gwz yienjok.

Haemh haenx, baihnaj cangzsougwz henz dah Dahmeizgyangh yienhsingz Mungzsanh daeng ronghsagsag, nauhyied dangqmaz, langhbaij swjcan caeuq biujyienj minzcuz minzsuz vwnzva doxlwnz yienj. Cezmuz yienjok lai cungj lai yiengh, yinx ndaej haujlai vunz humx yawj, fungfouq gij ndwenngoenz vwnzva banhaemh vunz ndaw singz.

(*Dai Lenzswng/ 戴连升*)



▲ Bouxyienj langhbaij swican.

Swnjcienz Dinfwngz Feihyz Coicaenh Couhnieb Banggungz



▲ Vunzlai cingq hag guh beiz.

bonjsaeh, laeb gij sim vut gungz duet mauh.

Ciuq cam rox, aen diegsenjoyouq neix miz gyaeujvunz gungzhoj 9802 vunz, Yungzanh Yenveij, Yen Cwngfuj doenggvaq cauhaeb aen suen iq, cehgenh iq, hawciengz iq, hawj vunz senjoyouq ndaej couhnieb; lij doenggvaq giengzvaq cauhaeb, son' gyauq couhnieb caeuq Gvangjsih Gvangjdungh guhhong doxgap daengi, gaenq saedyienh 5233 vunz.

(*Cinz Ginghoz Vei Gangh/ 覃庆和 卫纲*)

Ndwen 11 ngoenz 17, youq Yungzanh Yen diegsenjoyouq gyaranz lauzyangh yungzcwngz 100 lai boux vunzlai gungzhoj doxcomz giz ndeu, cingq camgya aen ban son' gyauq dinfwngz guh beiz, aen ban neix dwg Gvangjsih Gvangjdungh doxgap guh. Mwh hwnjdangz, canghheiq Vangz Sozfuh fwngz gaem fwngz son caezgya guh beiz miz conzdungj vwnzva Cungguek haenx. Baez son' gyauq neix mboujdan fat-yiengz conzdungj vwnzva Cungguek, youh doenggvaq cienz gij dinfwngz guh beiz, hawj vunzlai gungzhoj rox dinfwngz, gyalai